



Ruj. Kami : PERB.PHG.SPA 100-1/1.9/1 Jilid 2 (11)

Tarikh : 22 April 2019

SEPERTI SENARAI EDARAN

YB Dato' Sri/ YAA Dato' Sri/ YH Dato' Sri/ YH Dato' Indera/ YH Dato'/ Tuan,

SURAT PEKELILING PERBENDAHARAAN NEGERI PAHANG BILANGAN 1 TAHUN 2019

- Kelayakan Kenderaan Kerajaan Serta Peraturan Umum Penggunaan Bahan Api

Dengan hormatnya izinkan saya menarik perhatian pihak YB Dato' Sri/ YAA Dato' Sri/ YH Dato' Sri/ YH Dato' Indera/ YH Dato'/ tuan kepada perkara tersebut di atas.

2. Sebagai makluman YB Dato' Sri/ YAA Dato' Sri/ YH Dato' Sri/ YH Dato' Indera/ YH Dato'/ tuan, bersama-sama ini disertakan **Pekeliling Perbendaharaan Negeri Pahang Bilangan 1 Tahun 2019 - Kelayakan Kenderaan Kerajaan Serta Peraturan Umum Penggunaan Bahan Api** untuk rujukan dan makluman YB Dato' Sri/ YAA Dato' Sri/ YH Dato' Sri/ YH Dato' Indera/ YH Dato'/ tuan. Perhatian dan kerjasama pihak YB Dato' Sri/ YAA Dato' Sri/ YH Dato' Sri/ YH Dato' Indera/ YH Dato'/ tuan berhubung perkara ini adalah dihargai dan didahului dengan ucapan terima kasih.

Sekian.

"BERKHIDMAT UNTUK NEGARA"

Saya yang menjalankan amanah,

(DATO' ALI SYAHBANA BIN SABARUDDIN, DIMP., SMP., AMP.)
b.p PEGAWAI KEWANGAN NEGERI
PAHANG DARUL MAKMUR

- s.k.:
1. YB Pegawai Kewangan Negeri
 2. Akauntan Negeri
 3. KPPKN (Belanjawan dan Hasil)
 4. KPPKN (Pelaburan dan Pinjaman)
 5. PPKN (Khidmat Pengurusan)

**SURAT PEKELILING PERBENDAHARAAN NEGERI PAHANG
BILANGAN 1 TAHUN 2019**

**KELAYAKAN KENDERAAN KERAJAAN SERTA PERATURAN UMUM
PENGUNAAN BAHAN API**

1. TUJUAN

- 1.1 Pekeliling ini bertujuan untuk menetapkan peraturan mengenai tatacara pengurusan kenderaan kerajaan yang meliputi kelayakan kenderaan pegawai serta peraturan umum penggunaan bahan api.

2. LATAR BELAKANG

- 2.1 Tatacara pengurusan kenderaan yang diperuntukkan secara khas kepada Anggota Pentadbiran Kerajaan Negeri dan Pegawai Perkhidmatan Awam yang berkelayakan khususnya Kereta Rasmi Pegawai, Kereta Khas Jawatan dan Kereta Khas Pegawai telah digariskan dalam dua (2) surat pekeliling iaitu **Surat Pekeliling Perbendaharaan Negeri Pahang Bilangan 6 Tahun 1994 – Kereta Khas Pegawai dan Surat Pekeliling Perbendaharaan Negeri Pahang Bilangan 1 Tahun 2006 – Kereta Khas Jawatan.**
- 2.2 Selaras dengan **1Pekeliling Perbendaharaan (1PP) WP 4.1 Pengurusan Kenderaan Kerajaan** yang dikeluarkan oleh Kementerian Kewangan, Pentadbiran ini mengambil inisiatif untuk memurnikan garis panduan yang telah dikeluarkan sebelum ini bagi tujuan rujukan jabatan-jabatan di Pentadbiran Kerajaan Negeri Pahang.
- 2.3 Bagi tujuan pengurusan Kenderaan Jabatan (meliputi aspek penggunaan, penyenggaraan, kehilangan dan pelupusan kenderaan, tanggungjawab Pegawai Kenderaan dan Pemandu serta perkara-perkara lain yang berkaitan kesalahan lalulintas dan insurans), peraturan berkaitan Kenderaan Jabatan yang terkandung dalam **1Pekeliling Perbendaharaan (1PP) WP 4.1 Pengurusan Kenderaan Kerajaan** adalah diterima pakai sepenuhnya.

3. TAFSIRAN

3.1 Bagi tujuan pemakaian di peringkat Pentadbiran Kerajaan Negeri Pahang, tafsiran yang berkaitan di bawah hendaklah diikuti:

3.1.1 "Kenderaan Jabatan" ialah Kenderaan Kerajaan yang diperuntukkan untuk kegunaan gunasama Jabatan atau kenderaan kegunaan khas seperti kereta bomba, ambulans, kereta jenazah, kereta peronda polis dan seumpamanya;

3.1.2 "Kereta Rasmi Jawatan" ialah kereta yang diperuntukkan khas mengikut kelayakan jawatan kepada Ahli Majlis Mesyuarat Kerajaan (MMK) Negeri, Pegawai Perkhidmatan Awam Gred Utama/ Khas C dan ke atas atau yang setaraf termasuk Ketua-Ketua Jabatan Gred Utama/ Khas C dan ke atas;

3.1.3 "Kereta Khas Jawatan" ialah kereta yang diperuntukkan khas mengikut kelayakan kepada semua Ketua Jabatan dengan jawatan Gred 54 di peringkat Pentadbiran Kerajaan Negeri;

3.1.4 "Kereta Khas Pegawai" ialah kereta yang diperuntukkan khas kepada mana-mana pegawai Gred 54 yang bukan Ketua Jabatan dan semua Pegawai Hal Ehwal Islam (Qadhi), Hakim Mahkamah Syariah, Ketua Pendaftar serta pegawai-pegawai lain yang diberikan kelulusan khas oleh Pihak Berkuasa Negeri;

3.1.5 "Ketua Jabatan" ialah pegawai yang mengetuai sesebuah jabatan di bawah Pentadbiran Kerajaan Negeri Pahang di peringkat Ibu Pejabat dan daerah atau pegawai yang diberi kuasa;

3.1.6 "Pegawai Kenderaan" ialah pegawai yang dilantik atau ditugaskan oleh Ketua Jabatan untuk menguruskan Kenderaan Kerajaan di Jabatan;

3.1.7 "Pemandu Kenderaan Kerajaan" ialah pemandu yang dilantik sama ada secara tetap, kontrak, sementara, sambilan, pegawai yang diberi kebenaran secara bertulis oleh Ketua Jabatan untuk memandu Kenderaan Jabatan atau pemandu yang dilantik sendiri oleh ahli MMK atau pegawai kerajaan yang layak mendapat kemudahan Kereta Rasmi Jawatan dan Kereta Khas Jawatan;

3.1.8 "Tugas Rasmi" ialah tugas yang berkaitan dengan fungsi Jabatan dan tugas lain yang berkaitan dengan pejabat termasuk yang diarahkan oleh Ketua Jabatan dari semasa ke semasa; dan

3.1.9 "Kad Inden" ialah kad elektronik yang digunakan untuk membuat transaksi bekalan bahan api kenderaan.

4. PEGAWAI YANG LAYAK DIBEKALKAN KENDERAAN

4.1 Pegawai yang layak dibekalkan kenderaan kerajaan adalah seperti berikut:

4.1.1 Kereta Rasmi Jawatan

- i. Ahli MMK;
- ii. Pegawai Kerajaan yang menjadi Ahli Ex-Officio Majlis Mesyuarat Kerajaan Negeri iaitu Setiausaha Kerajaan Negeri, Penasihat Undang-undang Negeri dan Pegawai Kewangan Negeri;
- iii. Pegawai Perkhidmatan Awam Gred Utama/ Khas C dan ke atas atau yang setaraf termasuk Ketua-Ketua Jabatan Gred Utama/ Khas C dan ke atas; dan
- iv. Pegawai Kontrak/ Pinjaman yang dilantik secara kontrak atau pinjaman Gred Utama/ Khas C dan ke atas atau setaraf tertakluk kepada terma lantikan kontrak atau pinjaman.

4.1.2 Kereta Khas Jawatan

- i. Ketua-Ketua Jabatan Gred 54 dan ke bawah di Pentadbiran Kerajaan Negeri Pahang.

4.1.3 Kereta Khas Pegawai

- i. Kereta yang diperuntukkan khas kepada mana-mana Pegawai Gred 54 yang bukan Ketua Jabatan dan semua Pegawai Hal Ehwal Islam (Qadhi), Hakim Mahkamah Syariah, Ketua Pendaftar serta pegawai-pegawai lain yang diberikan kelulusan khas oleh Pihak Berkuasa Negeri.

- 4.2 Setiap kenderaan akan dibekalkan dengan Kad Inden bahan api dan Kad Sistem Bayaran Tol Tanpa Resit untuk kegunaan pegawai.
- 4.3 Buku Log Kenderaan pula dibekalkan bertujuan untuk mengawal dan memantau penggunaan kenderaan dan bahan api. Pemandu bertanggungjawab mengemaskini Buku Log bagi Kereta Rasmi Jawatan dan Kereta Khas Jawatan. Bagi Kereta Khas Pegawai pula, pegawai yang memandu kereta tersebut perlu mengemaskini butiran pada Buku Log.

5. JENIS KENDERAAN

- 5.1 Kenderaan yang ditetapkan sebagai Kereta Rasmi Jawatan, Kereta Khas Jawatan dan Kereta Khas Pegawai adalah seperti berikut:

5.1.1 Kereta Rasmi Jawatan

a) Kereta Nasional 2.4L atau setara

Ahli MMK (termasuk Ahli "*Ex-Officio*");

b) Kereta Nasional 2.0L

Pegawai Perkhidmatan Awam Gred Utama/ Khas C dan ke atas atau yang setaraf termasuk Ketua-Ketua Jabatan Gred Utama/ Khas C dan ke atas; dan

c) Kereta Nasional 2.0L

Pegawai Kontrak/ Pinjaman yang dilantik secara kontrak atau pinjaman Gred Utama/ Khas C dan ke atas atau setaraf tertakluk kepada terma lantikan kontrak atau pinjaman.

5.1.2 Kereta Khas Jawatan

a) Kereta Nasional 1.6L hingga 1.8L

Ketua-Ketua Jabatan Gred 54 di bawah Pentadbiran Kerajaan Negeri Pahang.

5.1.3 Kereta Khas Pegawai

a) Kereta Nasional 1.6L

Pegawai Gred 54 yang bukan Ketua Jabatan dan semua Pegawai Hal Ehwal Islam (Qadhi), Hakim Mahkamah Syariah, Ketua Pendaftar serta pegawai-pegawai lain yang diberikan kelulusan khas oleh Pihak Berkuasa Negeri.

6. KEMUDAHAN PEMANDU

- 6.1 Kelayakan kemudahan pemandu adalah bagi Ahli MMK, Pegawai Perkhidmatan Awam Gred Utama/ Khas C dan ke atas atau yang setaraf dan Ketua Jabatan.

7. BEKALAN BAHAN API KENDERAAN

- 7.1 Kenderaan Kerajaan hendaklah menggunakan bekalan bahan api yang lebih menjimatkan seperti berikut:

7.1.1 Kereta Rasmi Jawatan

a) Ahli MMK termasuk Ahli "*Ex-Officio*"

Penggunaan bahan api untuk tujuan rasmi dan persendirian adalah ditanggung sepenuhnya oleh Kerajaan tanpa had; dan

b) Ketua-Ketua Jabatan Gred Utama/ Khas C dan ke atas

Penggunaan bahan api untuk tujuan rasmi termasuk perjalanan pergi dan balik ke rumah pegawai adalah tanpa had nilai. Bagi tujuan persendirian, penggunaan bahan api adalah ditanggung oleh pegawai.

7.1.2 Kereta Khas Jawatan

a) Ketua-Ketua Jabatan Gred 54 di bawah Pentadbiran Kerajaan Negeri Pahang

Penggunaan bahan api untuk tujuan rasmi termasuk perjalanan pergi dan balik ke rumah pegawai adalah tanpa

had nilai. Bagi tujuan persendirian, penggunaan bahan api adalah ditanggung oleh pegawai.

7.1.3 Kereta Khas Pegawai

- a) **Pegawai Gred 54 yang bukan Ketua Jabatan dan semua Pegawai Hal Ehwal Islam (Qadhi), Hakim Mahkamah Syariah, Ketua Pendaftar serta pegawai-pegawai lain yang diberikan kelulusan khas oleh Pihak Berkuasa Negeri**

Penggunaan bahan api untuk tujuan rasmi termasuk perjalanan pergi dan balik ke rumah pegawai adalah tanpa had nilai. Bagi tujuan persendirian, penggunaan bahan api adalah ditanggung oleh pegawai.

8. PENGURUSAN KENDERAAN

- 8.1 Pengurusan kenderaan yang merangkumi aspek penggunaan, kehilangan dan pelupusan kenderaan, tanggungjawab Pegawai Kenderaan dan pemandu serta perkara-perkara lain yang berkaitan kesalahan lalulintas dan insurans adalah selaras dengan **1Pekeliling Perbendaharaan WP 4.1 Pengurusan Kenderaan Kerajaan.**
- 8.2 Bagi penyenggaraan pembaikan bernilai RM10,000.00 dan ke atas, kelulusan Pegawai Kewangan Negeri adalah diperlukan beserta ulasan oleh Cawangan Mekanikal, Jabatan Kerja Raya (JKR) Negeri Pahang. Penyenggaraan selain yang dinyatakan adalah tertakluk kepada **1Pekeliling Perbendaharaan WP 4.1 Pengurusan Kenderaan Kerajaan** dan tidak memerlukan kelulusan Pegawai Kewangan Negeri.

9. PEROLEHAN KENDERAAN

- 9.1 Perolehan Kereta Rasmi Jawatan dan Kereta Khas Jawatan akan diuruskan oleh Bahagian Khidmat Pengurusan (BKP), Pejabat Setiausaha Kerajaan (SUK) Pahang selaras dengan tatacara perolehan yang berkuatkuasa.
- 9.2 Perolehan Kereta Khas Pegawai dan kenderaan jabatan pula akan diuruskan oleh jabatan dengan syarat peruntukan semasa adalah mencukupi.

10. TARIKH KUATKUASA

- 10.1 Pemakaian surat pekeliling ini adalah berkuatkuasa serta-merta mulai tarikh ia dikeluarkan seterusnya membatalkan Surat Pekeliling Perbendaharaan Negeri Pahang Bilangan 6 Tahun 1994 – Kereta Khas Pegawai dan Surat Pekeliling Perbendaharaan Negeri Pahang Bilangan 1 Tahun 2006 – Kereta Khas Jawatan.**

**(DATO' INDERA HAJI MOHAMAD ROSLAN BIN HARUN,
SIMP., DSAP, DIMP, SMP.) -
PEGAWAI KEWANGAN NEGERI PAHANG**

**s.k. YB Setiausaha Kerajaan Negeri
Akauntan Negeri Pahang
Pengarah Audit Negeri Pahang**

**No. Rujukan: PERB.PHG.SPA 100-1/1.9/1 Jilid 2 (11)
Tarikh : 18 April 2019**